




宋黃文節公文集卷第十一

五言絕句

題畫鷺

元祐二年
秘書省作

駕鷺引頸回似我胷中字右軍數能來不為口腹事

題畫鴈

水國鴻鴈秋煙沙風日麗莫遣角弓鳴鷺飛不成字

送六十五弟賁南歸

元祐元年
秘書省作

風驚鴻鴈行吹落秋江上為掃碧巖邊問叔今無恙

十四弟歸洪州賦莫如兄弟四章贈行

元符三年
戎州

作

惱人自作樂休休莫莫相看將白頭止有不如昨

其二

北來哺慈烏南歸護爾雛昨夜雲飛鴈相隨我不如

其三

志欲收九族別離乃同生誰能成此意惟有孔方兄

其四

大夫無恙時刻意教子弟歸掃松楸下洒我萬里涕

按十四弟

即天民

荊州即事藥名詩八首

建中靖國元年寓荆南作

四海無遠志一溪甘遂心牽牛避洗耳卧著桂枝陰

其二

前湖後湖水初夏半夏涼夜闌鄉夢破一鴈度衡陽

其三

千里及歸鴻半天河影東家人森戶外笑擁白頭翁

其四

天竺黃卷在人中白髮侵客至獨掃榻自然同此心

其五

垂空青幕六一排風開石友常思我預知子能來
其六

幽澗泉石綠閉門聞啄木運柴胡奴歸車前掛生鹿
其七

雨如覆盆來平地沒牛膝回望無夷陵天南星斗濕
其八

使君子百姓請雨不旋復守田意飽滿高壁掛龍骨
自咸平至太康鞍馬間得十小詩寄懷晏叔原
并問王稚川行李驚兒黃似酒對酒愛新鷺

此他日醉時與叔原所詠因以為韻

元豐三年赴太

和作咸平太康皆汴京屬邑
在東南正公歸江南之路

詩入雞林市書邀道士驚雲間晏公子風月興如何

其二

春風馬上夢樽酒故人持猶作狂時語鄰家乞侍兒

稚川醉時有旁午
狀詩一作時

其三

憶同嵇阮輩醉卧酒家床今日壚邊客初無人姓黃

其四

對酒誠獨難論詩良不易人生如草木臭味要相似

其五

春色挾曙來惱人似官酒酬春無好語懷我文章友

其六

紅梅定自開有酒無人對歸時應好在常恐風雨晦

其七

東南萬里江綠淨一杯酒王孫江南去更得消息否

其八

獻笑果不情親親初不愛誰言百年交投分一傾蓋

其九

四十垂垂老文章豈更新鼻端如可斲猶擬為揮斤

其十

土氣昏風日人囂極鴈鷺尋河著

音所

繩墨詩思畧無

多

陪謝師厚遊百花洲槃礴范文正祠下道羊曇

哭謝安石事因讀生存華屋處零落歸山邱

為十詩

元豐元年
北京作

憶在昭陵日傾心用老成功歸仁祖廟政得一書生

其二

羊生但著鞭勿哭西州門故有不亡者南山相與存

其三

慶州自不惡籍甚載聲華忠義可無憾公今有世家

其四

公歸未百年鶴巢荒古屋我吟殄瘁詩悲風韻喬木

其五

傷心祠下亭在時公燕處臨水不相猜江鷗會人語

其六

公有一杯酒與人同醉醒遺民能記憶欲語涕飄零

其七

委徑問謠俗高邱省佃作昔游非苟然今花幾開落

其八

在昔實方枘成功見圓機九原尚友心白首要同歸

其九

人去洲渚在春回花草班清談值淵對發興如江山

其十

落日銜城壁祠東更一游悲來惜酒少安得董糟邱

竹下把酒

元豐元年
北京作

竹下傾春酒愁陰為我開不知臨水語更得幾回來

次韻古老十小詩

元豐六年
太和作

十襲發硃刀無名自貴高秋衣猶葛製午飯厭溪毛

其二

萬木霜搖落山呈斧鑿痕癡蠅思附尾鷲鶴畏乘軒

其三

日短循除廡溪寒出臼科官居圖畫裏小鴨睡枯荷

其四

眼看人換世手種木成陰
藏拙無三窟談禪劇七禽

其五

寒水幾痕落秋山萬竅號
紅梨啄烏鵲殘菊掛蠨蛸

其六

佳人斗南北美酒玉東西
夢鹿分真鹿無雞應木雞

其七

斲鼻昔常爾絕絃知者稀
無人與爭長惟有釣魚磯

其八

茵席絮剪蠶枕囊收決
明南風入畫夢起坐是松聲

其九

半菽一瓢飲懸鶉百結衣蕭條鬼不瞰聊可與同歸

其十

學似斲輪扁詩如飯顆山室中餘一劍無氣斗牛間

立春

韭苗香煮餅野老亦知春看鏡道如咫倚樓梅照人

題海首座壁

騎虎度諸嶺入鷗同一波香寒明鼻觀日永稱頭陀

題花光為曾公卷作水邊梅

崇寧三年
宜州作

梅蘂觸人意冒寒開雪花遙憐水風晚片片點汀沙

六言絕句

次韻舍弟題牛氏園二首

元祐三年
秘書省作

春與園林共晚人將蜂蝶俱來樽前鳥歌花舞歸路

星翻漢回

其二

春事欲了鶯催主人雖貧燕來玉燭傳盃未厭金吾

靜夜驚回

從卽十四偕韓文二首

元豐三年
赴太和作

吏部文章萬世吾求善本編
窺散帙雲窓斐几同安
得見卽遲

其二

中有先君手澤丹鉛點
勘書詩莫惜借行千里他日

還君一鷗

題馬當山魯望亭四首

元豐三年赴太和作魯望亭即彭澤舊治所

馬當一曲孤烟人物於今眇
然不見繞籬黃菊誰收

種秫圭田

一作有地自荒
稅稻無人更與酒錢

右陶靖節

其二

鯨波橫流砥柱虎口活國宗臣小屈弦歌百里不誣

一作莫言天下歸仁

右狄梁公

其三

不見魯公斷石誰家為礎為杠筆法錐沙屋漏心期

曉日秋霜

右顏魯公

其四